

جريدة عدليه

آلشحي سنة

۲۰ شعبان ۱۳۳۳ ۲۰ حزيران ۱۳۳۱

نومر ۱۳۴

جمعه ايرتسي

قائم مقام

نوبعيريات عدليه

عدليه نظارتى هيئت تفتيشيه رياسته وظيفه مذكوره و كالة ايضا ايتمكده اولان باش معاون يوسف كال بك تعيين ايدلمشدر .

اشبو اراده سنيه نك اجراسنه عدليه ناظرى مأموردرد . ۳۰ رجب ۱۳۳۳ ۳۱ مايس ۱۳۳۱

محمد رشاد

عدليه ناظرى
ابراهيم
صدراعظم
محمد سعيد

* *

حلب ولايتى مركز بدايت محكمه سى حقوق و جزا دائره لرينك توحيديله بدايت محكمه سى رياسته محكمه مذكوره ملنى حقوق دائره سى رئيسى بكر صدق و اعضالقرينه ابقاء على نائل و عبدالعزيز و اعضا ملازملكرينه كذلك ابقاء مصطفى نعيم و محمد توفيق افنديلر تعيين اولنمشدر .

بواراده سنيه نك اجراسنه عدليه ناظرى مأموردرد . ۴ شعبان ۱۳۳۳ ۴ - حزيران ۱۳۳۱

محمد رشاد

عدليه ناظرى
ابراهيم
صدراعظم
محمد سعيد

قوانین و نظامات

صحنة حربيه و دارالحركه داخل اوليان مواقع مستحكه و عسكریه جوارنده کی

اراضی مزروعه نك صورت محافظه سنه دائر قانون صورتیدر

برنجی ماده صحنة حربيه و دارالحركه داخل اوليان مواقع عسكریه و مستحكه ايله قرارگاهلر جوارنده کی اراضی مزروعه نك هر درلو خسارندن و قايه سنه محالری مأمورین ملكیه و عسكریه سی مجورددر .
ایکنجی ماده وقت حضرده منطقه نظامنامه سی موجبجه تعیین و تحدید ایدیلان مناطق ممنوعه خارجنده کی اراضی مزروعه ایچنده مجبوریت فیه اولدقجه کوچك بیوک مانوره و حرکات سائر عسكریه اجرایی و قغوش و طاووله و ده قویل و سائر کی تأسیسات عسكریه وجوده کتیرلسی و حیوانات رعی و ایواسی قطعاً ممنوعدر .
اراضی مذکوره ایچنده مجبوریت فیه بئاء مانوره و حرکات سائر عسكریه اجرایی و یا حیوانات رعی و ایواسی ضرورتی حاصل اولدینی تقدیرده بو معاملاتده ابتدار اولمازدن اول جهت عسكریه دن ایکی و محلی مجلس اداره و یا بلدی و یا خود هیئت اختیاریه سندن ایکی و او موقعده کی اصحاب اراضینک تعیین ایده چکی ایکی ذاتندن متشکل بر قومیسون طرفندن مزروعات و مغر و ساتک قیمتی تقدیر ایدیلرک اصحابنه برر مضبطه و یریلیر . و مانوره ختام بولدقندن صکره بو معاملاتدن متولد ضررک مقداری دخی مذکور هیئت طرفندن تعیین و تقدیر ایدیلور . بو ضرر طرف حکومتدن اصحاب اراضی به یا تقدراً و یا خود تسکلیف امیریه دن بورجلرینه محسوب ایدلک صورتیه تضمین ایدیلور .

اراضی مذکوره ایچنده جهت عسكریه جه قغوش و طاووله و ده قویل سائر کی تأسیسات عسكریه وجوده کتیرلسی مجبوریتی حاصل اولور ایسه اول امرده بویرلرک قانون مخصوصنه توفیقاً استملا کی اجرا اولور .
اوچنجی ماده صحنة حرب و دارالحركات و مناطق ممنوعه خارجنده بولنان محالرده هر نه صورته اولور ایسه اولسون عسكر طرفندن ایقاع خسار ایدیلکی تقدیرده متضرر اولان شخصک و یا وکیلنک مراجعتی اوزرینه خسار واقعک مقداری تعیین ایچون ایکیسی محلی الك بیوک ملكیه مأموری طرفندن ایکیسی مجلس بلدیهدن و ایکیسی هیئت اختیاریه دن و ایکیسی او موقعده کی اصحاب املاک و اراضیدن اولق اوزره بر قومیسون تشکیل اولور . قومیسونجه یوم اجتماع تعیین و لزوم کورلدیکی حالده ایکی ذاتک اعزامی ده جهت عسكریه به اشعار ایدیلور . اشبو قومیسونک تعیین ایتدیکی بدل خساره اعتراض وقوع بولمادینی صورتده اشبو بدل

متضرر اولان شخصه ایقاع خسار ایدن عسكرک منسوب اولدینی قطعه صندوقندن درحال تأدییه ایدیلور .
و مؤخرآ عسكرک منسوب اولدینی بلوک ضابطانه و فاعل بولنه مدینی تقدیرده قطعه مذکوره ضابطانه تضمین ایتدیله رک مذکور صندوقه وضع اولور .

دردنجی ماده ایکنجی اوچنجی ماده لرده محرر قومیسونلرجه تعیین اولنان مقادیری قبول ایتیمان طرف قرارک کندیلرینه تبلیغی تاریخندن اعتباراً اون بش کون طرفنده صلح محکمه سینه و صلح محکمه سی بولنمان یرلرده انک وظیفه سنی ایفا ایدن بدایت محکمه سینه اعتراض ایده بیلورلر . اشبو مهلت طرفنده اعتراض اولمادینی تقدیرده مذکور قومیسونلرجه و یریلان قرارلر قطعی عد اولور .

بشنجی ماده اشبو قانون تاریخ نشرنندن معتبردر .

آلتنجی ماده اشبو قانونک اجراسنه حربیه و داخلیه و عدلیه ناظرلری مأمورددر .

مجلس عمومینک اجتماعنده قانونیتی تسکلیف ایدلک اوزره اشبو لایحه قانونیه نك موقتاً موقع مرعیته رضعی و قوانین دولته علاوه سنی اراده ایلدم .

۲۶ رجب ۱۳۳۳ و ۲۸ مایس ۱۳۳۱

محمد رشاد

صدر اعظم
محمد سعید

حربیه ناظری
أنور

داخلیه ناظری
طلعت

عدلیه ناظری
ابراهیم

بالعموم حکام و محاکمه مربوط مأمورین و کتبه و مستخدمینک دواملری حقنده کی

۱۸ جمادی الاول ۳۳۳ و ۲۱ مارت ۳۳۱ تاریخی نظامنامه به تذیل اولنه حق

مواد نظامیه صورتیدر

برنجی ماده محاکم و دوائر عدلیه زیارت قبولی و محاکم مأمورلرینک محکمه قلملرنده و یا قوریدورلرده اصحاب مصالح ايله اختلاط و مصاحبتی ممنوعدر .

ایکنجی ماده اصحاب مصالح ایشلری ایچون آنحق محکمه نك رئیس و مدعی عمومیسنه و معاملات تحریریه ایچون معین زمانلرده قلمک باش کاتب و ممیزلرینه مراجعت ایده بیلرلر .

اوچنجی ماده اشبو ذیل نشر اولدینی تاریخندن معتبردر .

دردنجی ماده اشبوزیک اجراسنه عدلیه ناظری مأموردر.

اشبوزیک نظامیه نک موقع مرعیتیه وضعی و نظامات دولته علاوسنی اراده ایلدم غره شعبان ۳۳۳ ۱- حیران ۳۳۱

محمد رشاد

داخلیه ناظری : مالیه ناظری و کیلی حربیه ناظری و بحریه ناظری و کیلی شیخ الاسلام و اوقاف و ایون ناظری صدراعظم طلعت انور خیری محمد سعید

معارف ناظری و پوسته و تلغراف و تلفون ناظر و کیلی نافع ناظری عدلیه ناظری و شورای دولت رئیس و کیلی احمد شکری عباس ابراهیم

تجارت و وزارت ناظری احمد نسیمی

محکمہ تمیز مقرراتی

محکمہ تمیز مقرراتی در ریاست

محکمہ تمیز مقرراتی دائره سنده صادر اولوب ۱۴ مایس ۳۳۱ تاریخنده قراره ربط اولانده اعلام صورتندر

« تصرف دعواسنده منازع فیه اولان بره مدعیلر واضع الید بولمیرینه و ذی الید تاریخ بیانیه و خارج بلاتاریخ ملک مطلق ادعاسنده بولمقله برابر بینه سی مرجع اولان خارجک اثبات تصرف حاری سند ابراز ایلهمکده اولسنه نظراً سندک مدعایه عائدیتی و ثبوت تصرفه کفایتی، قیدینه مراجعتله تدقیق ایدلک لازمدر »

بنیان حمید قضااسنه تابع قره داغی قریه سی اهالیسندن طوپال اوغلو مصطفی چاوش و دیگر مصطفی ایلله قدیر اوغلی ابیش و ممش میانه سنده متکون دعوایه دائر بنیان حمید بدایت محکمه سندن ۹ شباط ۳۳۰ تاریخیه ویریلوب مزبوران ایکی مصطفی طرفندن تمیزاً تدقیقی استسدا قلندان اعلام مستدعیلرک اعتراض و ممیز علیهلردن سید احمدک جواب لایحه لرله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مرقومون احمد و رفقاسی باصر فحال محکمه مذکوریه مراجعتله متوفی پدر و مورثلردن انتقالاً التمش سنده نبری متصرف اولدقلری قریه مذکورده کائن حدود و مقداری معلوم و ایکی یوز غروش قیمتی حاوی خرمن یرینه مزبوران ایکی مصطفی طرفندن فضولی و قوعبولان مداخله نک معنی طلب و دعوی و مدعی علیهما دخی مدعی به محله باطاپو متصرف اولدقلردن بحثله بحق مداخله ایلدکلری

و حتی محل مذکور مدعیلره ایجار ایده کلیمکده اولدقلرینی بیان و ادعا و بر قطعه سند ابراز و اعطا ایللری اوزرینه محکمه جه مدعی به محله مدعیلرک ذی الیدلکی بالینه ثابت اولدقدن و مدعی علیهمانک ایجار و مدعیلرک تصرف حقنده اقامه ایتدکلری شهودک استماعنه قرار ویرلدکدن صوکره لاجل الحاکمه تعیین اولنان کونده و قوعبولان دعوتیه مدعیلردن سید احمددن ماعداسنک عدم اجابتیه بناءً انلرک حق محاکمه لرینک موقه سقوطنه و مدعی علیهمادن مصطفی چاوشک دخی اخیراً ورود ایتامسی حسیله حقنده غیاباً محاکمه اجراسنه قرار ویریلرک اولوجهله جریان ایدن محاکمه و تدقیقات نتیجه سنده مدعی علیهمانک ایجار ادعای ثابت اولمادینی و منازع فیه محل مدعیلرک اولدینی مرتبه ثبوتیه و اردینی بیانیه محل مذکورده مدعیلردن احمده عائد اولان حصیه مدعی علیهمانک مداخله واقع لرینک منعه دائر لاحق اولان اعلامک عندالاعتراض تصدیقیه حکم و قرار ویرلدیکی اکلاشلمشدر .

مستدعیلر طرفندن ویریلان لایحه ده محل منازع فیه باطاپو متصرف اولدقلری حالده بوجهتک نظر دفته آلتامسی مخالف قانون اولدیغندن اسباب سائردهن بحثله اعلامک نقضی و لایحه جوابیه ده دخی اعتراضات مسروده نک غیر وارد بولندیغنی بیانیه ردی و موافق اصول و قانون اولان اعلام مذکورک تصدیق طلب واستدا ایدلشدر .

ایجاب کیفیت مذاکره اولندقدن خصوصی مدعی هر نه قدر بوجه مشروح حکم و قراره ربط اولمش ایسه ده منازع فیه خرمن یرینه مدعیلرک واضع الید بولمیرینه و ذی الیدتاریخ بیانیه و خارج بلاتاریخ ملک مطلق ادعالرنده بولمقله برابر بینه سی مرجع اولان خارجک اثبات تصرفی حاوی سند ابراز ایلهمکده اولسنه نظراً اشبوسندک محل مدعی به عائد اولوب اولمادینی و عائدیتی تبیین ایلدیکی حالده ثبوت تصرفه کافی بولنوب بولمادینی لدی الحاجه قیدینه دخی مراجعت صورتیه تدقیق اولنق و عدم کفایتی حالنده دخی خارج اولان مدعی علیهمادن بینه طلب اولنهرق تبیین ایده جک حاله کوره حکم ویرلمک لازم کلور ایکن بو جهتلردن ذهول اولنهرق برمنوال محرر قرار ویرلمسی مخالف قانون اولدیغندن اصول محاکمه حقوقیه قانوننک ایکی یوز قرق برنجی ماده سی موجبجه اعلام مذکورک ایکی یوز قرق دردنجی ماده سی حکمنه توفیقاً کیفیتک وجه مشروح دائره سنده بالرؤیه اعلام ربطی ضمنتیه محکمه مذکوریه اعاده سنه و مدعایه بیان اولان قیمتیه کوره مصارف محاکمه دن تأجیل اولنان قسمی ایلله استیفا قلنان قسمک زبرده مفردات و معطیسی کوسترلمش اولمقله بولنلرکده ایلروده حقسنر حقیقه جق طرفه عائد اولسنه ۱۴ مایس ۳۳۳۱ تاریخنده متفقاً قرار ویرلدی .

محکمہ تمیز حقوق دائرہ مندرہ صادر اولوب ۱۶ مایس ۳۳۱ تاریخہ قرارہ ربط ارنانہ اعلام صورتیہ:

« وکیلک محکمہ حضورندہ استغفاسی حالندہ کیفیتک مؤکنہ اخباری وبالذات ویاخود آخر بروکیل واسطہ سیلہ محاکمہ دواہ اتمی ایچون مدعی علیہ دعوتیہ تبلیغی لازمدر . »

قرنای سابقہ دن صاریچہ زادہ راغب افندی ایله بیوک آطہدہ جامع شریف سوقاغندہ نومروسرخانہدہ ساکن قارنیک سیمونیان افندی بینندہ متکون دعواہ دائر درسعادت استیناف حقوق وتجارت محکمہ سندن ۱۵ شباط ۳۳۰ تاریخہ وایکیوز یکریمی سکز عددی ایله ویریلوب مومی الیہ راغب افندی طرفندن تمیزاً تدقیقی استدعا قلنان اعلام طرفینک اعتراض وجواب لایحہ لریلہ برابر بالمطالعہ تدقیقات تمیزیہ اجراسنہ ابتدار قلندی .

اعلام مذکور مندرجاتنہ کورہ : مزبور قارنیک افندی درسعادت ایکنجی تجارت محکمہ سنہ باعریحال مراجعتلہ کندوسی مومی الیہ راغب افندیکنک امورجہ فابریقہ سی معمولاتندن انواع مسکراتی هریرده طانتدیرمق اوزرہ امریلہ بیک سکزیوز طقسان یدی سنہ سندن بروکسل شهرندہ کشاد ایدیلن سرکی یه کیدہ رک معمولات مذکورہ فی تشہیر وبرقطہ مدالیہ اخذ ایلدکن صکرہ درسعادتہ عودتلہ بالجلہ امورینہ چالشدقندن ماعدای برچوق محللردہ دپولر آچغہ وکایتلی مال صاتوب صانتدرمغہ موفق اولمش ایسہدہ مومی الیہ طرفندن بوبادہ کی اجرتی ایله کندی واسطہ سیلہ صاتیلان وعندالتخمین اوتوز بیک لیرالق اولدینی آکلاشیلان مالدن ینلرنندہ کی مقالولہ شفاهیہ موجبنجہ یوزدہ درت قومیسینونک اعطاسندن امتناع ایدلدیکندن تقدیر اولنہ حق اجر مثیلہ مبالغہ مذکوردن یوزدہ درت قومیسینونک مومی الیہ راغب افندی ایله شریکری اولان مخدوملری شاکر وجمال بکلردن ویکدیگرہ کفیل بالمال اولہرق تحصیلنی طلب ودعوی وکیتلی ربع خرج ویرمکہ اقتداری اولدینی جہتلہ دعواسنی شمدیلک یالکز بشیوز لیرایہ حصر ومتبایسی حقندہ کی حق طلبنی آتی یه تعلیق ایلدیکنی علاوہ تذکار ایتمکہ محکمہ جہ اولصورتلہ معاملہ ایفاسی تحت قرارہ آلدقندن صکرہ مدعی علیہم وکیلی مدعینک مدعیہک موکلارینک ذمتہ تعلق ایلدیکنی بیان ایلدینی تاریخہ شاکر وجمال بکلرک صغیرالسن اولملری حسبیلہ اہلیت تجاریہ فی حائر وراغب افندیکنک دخی تجارتلہ مشغول اولمادیقندن بحثلہ درمیان ایلدیکنی عدم توجہ خصوصت ووظیفہ مسئلہ لرینک مدعی عمومی حضوریلہ بالتدقیق مدعی عمومی الیہ دعواسنی مدعی علیہمک شخصلرینہ حصر ایتمکہ برابر مومی الیہما شاکر وجمال بکلر حقندہ کی دعواسنی آتجق پدرلرینک اموالی جایت ایتمکہ اولملرینہ استناد ایتدیرمک صورتیلہ توجیہ خصوصت ایلنی غیر جائز اولدیقندن مومی الیہما شاکر وجمال بکلر حقندہ کی دعواسنک ردیلہ اون بش سنہ دنبرو تجارتلہ اشتغال ایلدیکی شہادت شہودلہ ثابت اولان مومی الیہ راغب افندی حقندہ کی دعوانک دوام رؤیتہ قرار ویرلدکن صکرہ یوم معیندہ مدعی علیہ راغب افندیکنک وقوعبولان دعوتہ اجابت ایتامسی اوزرینہ غیاباً اجرا قلنان محاکمہ وتدقیقات

نتیجہ سندن مدعی یه بشیوز لیرانک عندالاعتراض انکاری حالندہ مومی الیہ راغب افندیکنک یمندن نکولنہ تعلیقاً مع فائض تحصیلنہ دائر ویریلان اعلامک عندالاعتراض وجاہاً سبق ایدن محاکمہ سی اثناسندہ معترض علیہ بقیہ خرجی اکمالہ حاضر اولدیقندن حق مطالبہ سنی آتی یه تعلیق ایلدیکی مقدارک دخی تحصیلنی طلب وادما ومصارفات واقعہ سنی مبین برقطہ مفردات پوصلہ سی ابراز واعطا ایتسنہ قارشو معترض وکیلی موسیس فکری افندی موکلی کندوسنہ بشیوز لیرالق دعوانک تعقینی حوالہ ایتمش وحالبوکہ محکمہ معترض علیہک ایکی بیک کسور لیرایہ ابلاغ ایلدیکی دعواسنی قبول ایتمش اولدینی جہتلہ وکالتدن استغفا ایلدیکنی بیان ایلنی اوزرینہ محکمہ جہ حق غیر تعلق ایلدیکی بیانیلہ محاکمہ دواہ اتمی لزومنہ قرار ویرلدن صکرہ اجرا قلنان محاکمہ وتدقیقات نتیجہ سندن مدعینک مدعی علیہک امریلہ بروکسل سرکیسنہ کیدوب آتی یچق آتی ایضای خدمت ایدہ رک عودتندہ ینہ مومی الیہ نزدندہ امریلہ اعلان مشروطیتہ قدر یوز یکریمی آتی آی اون کون کرک امورجہ راقیسی صایتش معاملاتندہ وکرک فابریقہ وابنیہ وخصوصات ذاتیہ سندن خدمت ایلدیکی وارہ لرنده صایتش معاملہ سندن دولانی یه زده درت قومیسینونک ویرلسی مقالولہ ایلدیکی استماع اولنوب سرأ وعلناً تزکیہ لری اجرا قلنان شہودک شہادتیلہ ثابت اولسنہ و اوتوز بیک لیرالق صایتش حقندہ کی ادعاسنی مدعی اثباتدن اظهار عجز ایله تکلیف ایلدیکی یمینی مدعی علیہک قبول واجرا ضمنندہ تعیین اولنان کوندہ محکمہ یه کلامسی ووکیلک اشبو قراری استیناف ایدہ جکندن بحث ایلنی نکولہ محمول اولہ جغنہ مینی جہات مذکورہ دن دولانی مدعی یه ارباب وقوف طرفندن تقدیر اولنان من حیث المجموع ایکی بیک سکزیوز طقسان اوچ لیرا ایتمش یدی غروشدن مدعینک مأخوذی اولدینی تحت اعترافندہ بولنان ایکیوز لیرانک تنزیلہ متبایسنک مع فائض تحصیلی صورتیلہ اولبابدہ کی اعلام غایبنک تمدیلاً تصدیقنہ دائر صادر اولان اعلامک عندالاستیناف مدعی بہدن مدالیہ اخذی ایچون صرفی ادما اولنان آتی یوز الی وغزتہ اعلان مصارفی بیک غروشک بلا اسباب ثبوتیہ تحصیلنہ ومنافعندن بشقہ برشی اولیان قومیسینونہ فائض حکم اولنسنک مغایرت قانونیہ سندن نائی جہات مذکورہ نک اصلاحنہ دائر اتخاذ اولنان قرار اوزرینہ مستأنف وکیلی قارنیک امضالی و « صاریچہ زادہ راغب پاشا ومخدوملرندن بوکونہ قدر بالجلہ حسابندن متبای ایتمش بش لیرای عثمانی اخذ وقبض ایله مشارالہمانک ذمتلری ابرای عام ایله ابرا وسقاط ایلدم » عبارہ سنی حاوی برقطہ ابرانامہ ابراز وبناء علیہ دعواہ واقعہ نک ردینی اتیان ومستأنف علیہدہ مبرز ابرانامہ کی امضا کندوسنک اولمادینی کی اساساً مستأنف طرفندن دعوی انکار وکندوسی طرفندن ایسہ اثبات اولندقندن صکرہ ابرادن بحث اولنسی موجب تناقض اولدینی جہتلہ کذلک ردینی درمیان ایللری اوزرینہ محکمہ جہ مذکور ابرانامہ نک دعواہ حاضرہ یه شمولی اولمادیغنہ قرار ویرلدکن صکرہ مستأنف علیہ مدالیہ وغزتہ مصارفی دخی اثباتدن اظهار عجز ایلہ طالب تحلیف اولدینی بیان ایتسی حسبیلہ برای تحلیف تنظیم وتبلیغ اولنان دعوتیہدہ معین کوندہ مستأنفک وقوعبولان دعوتہ اجابت ایتامسنہ مینی مستأنف علیہک طلیلہ اولبابدہ کی استیناف استدعاسنک ردیلہ حق استینافک موقہ سقوطنہ حکم وقرار ویرلدیکی آکلاشلمشدد .

مستدعی تمیز راغب افندی طرفندن ویریلان لایحه ده : مبرز ابرا نامه موجبنجه مدعینک کندوسنده برکونا آلاجنی اولمادینی درکار ایکن محکمه استینافیه جه مذکور ابرانک کندوسنک شخصه عائد اولمایوب مخدوملریله اولان شرکته عائد اولدینی بیانیه عدم اعتبارینه حکم ایدلسی و عندالاعتراض وکیل موسس فکری افندی وکالتدن استعفا ایلدیکی حالدده بو خصوص نظر دفته آئمه رق حق الغیر تعلق ایلدیکی بیانیه وکیل منعزل حضوریه محاکمه اجرا و حکم اعطا اولنسی و شهود مستمه دعوایه موافق صورتده ادای شهادت ایتدکلی کبی بومثللو خصوصاً شهود شخصیه استماعی غیر جائز اولدینی حالدده محکمه جه بوجهتک نظر دفته آئمه سی مغایر قانون اولدیغندن واسباب سائرمدن بختله اعلامک تقضی و لایحه جوابیه ده دخی غیروارد اولان اعتراضات طلب واستدعا اولمشدر .

ایجابی لدی المذاکره اول امرده مبرز ابرا نامه ده کی راغب پاشا صاریجه زاده و مخدوملری عبارده سی بر شرکت عنوانه دلالت ایتدکله بو عنوانه اضافه ویریلان ابرا نامه نک شرکادن راغب افندی ذمتده ادعا اولنان دیون شخصیه سینه تشمیل ایدیه میه جکی و بدایت محکمه سنده درمیان اولنان امر و تعهد و افعاک شاهد استماعی صورتیه اثباتی جائز اولدینی جهتله بوبایده مدعی علیه طرفندن درمیان ایدیلان اعتراضاتک ردینه اکثریتله قرار ویرلدکن صکره اسباب تمیزیه دن اولمق اوزره اراؤه ایدیلان اعتراضات سائرله لدالتدقیق اولاً : بدایت محکمه سنجه استماع اولنان شاهدلر مدعینک سرکیده ایفای خدمت و آخرینی استخدام و مصارف مدعی بهائی تسویه ایتدیکنی اخبار ایتدکلی جهتله خصوصات مذکورده نک دخی بالینه اثباتنه مدعینک مجبوریته قرار ویرلمک لازمکلیر ایکن او یولده ایفای معامله ایدلامسندن ثالثاً وکالت عقود لازمده دن اولمادیغندن موکل وکیل و وکیل دخی نفسی دیله دکلی وقت وکالتدن عزل و اخراجه قادر اولوب حق غیر تعلق ایتدکجه وکیل اجرای وکالتله اجبار ایدیه میه جکی و مدعی علیه وکیل موسس فکری افندی مدعینک التماسیه تعیین اولمایوب علی العاده مدعی علیه طرفندن رأساً توکیل ایدلمش اولغله دعوا ی حاضرده اصول محاکمه نک یوز قرق دردنجی ماده سینه توفیقاً حق غیر تعلق ایتدیکی کبی مجله احکام عدلیه ده حق غیرک تعلقنه دائر اولان صور سائر دخی موجود اولمادینی و بناء علیه موسس فکری افندی نک حضور محکمه ده واقع اولان استعفا سی کیفیت موکلنه اخبار و بالذات و یا آخر بروکیل وسطه سیله محاکمه نک دوامی ایچون مدعی علیه دعوتیه تبلیغی لازم کلدیکی حالدده بدایت محکمه سنجه بواکی نقطه دن بالذهل حق غیر تعلقندن بختله وکیل مستعفی نی مدافعه یه اجبار و بو صورتله استعفادن صکره جریان ایدن محاکمه مدعی علیه مدعینک دعواسنه قارشو نه بالذات ونه ده قانوناً خصومه وکالتی حائر بروکیل واسطه سیله مدافعه یه قادر اولمقسزین و جاهاً مبلغ مدعا بهک تحصیلنه حکم اولنش اولغله عندالاستیناف استعفادن صکره بدایت جریان ایدن محاکمات و اتخاذ اولنان مقرراتک کان لم یکن عدلیه فسخته و بوبایده یکیدن اصول و نضامی دائره سنده محاکمه نک دوام واکالی و بوجه بالا سرکیده ایفای خدمت و آخری استخدام و مبالغ مطلوبه نی صرف ایتدیکنه دائر مدعیاتک مدعی طرفندن بالینه اثباتی ضمنتده ایشک بدایت محکمه سینه اعاده سینه حکم اعطاسی لازم کلیر ایکن مستأنف و مدعی علیه طرفندن

بواکی نقطه یه دائر درمیان ایدیلان اعتراضاتک ردینه قرار ویرلمسی مغایر قانون اولدیغندن تمیز لایحه سنده تعداد اولنان اسباب تمیزیه دن بواکی سبب بالقبول اصول محاکمه حقوقیه قانوننک ایکیوز اوتوز ایکنجی ماده سی موجبنجه اعلام مذکورک قضیه ایکیوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمنتده محکمه مذکوریه اعاده سینه وزیرده مفردات و معطیس محرز مصارف تمیزیه نک ایلروده حقسز حقیقه جق طرفه عائد اولسنه ٢٦ مایس ٣٣١ تاریخنده اکثریتله قرار ویرلدی .

حکم تمیز مقهوره دائره سنده صادر اولوب ٢٠ مایس ٣٣١ تاریخنده قراره ربط اولونانه اعلام صورتیه

« تواتر پنهانی دلائل سائرده مرجع اولدینی جهتله مدعیلر خارج اولدوغندن دولای مدعی علیهم طرفندن اقامه ایدیه جک تواتر پنهانی نک ردینه قرار ویرلمسی مغایر قانوندر . »

کنگری یه تابع دومه لی قریه سی قوم غیر محصور اهالیسی ایله کذلک قوم غیر محصور سرای قریه سی اهالیسی پینده متکون دعوایه دائر قسطمونی استیناف محکمه سندن ٢٩ کانون اول سنه ٣٣٠ تاریخ واون آلتی عددی ایله ویریلوب مزبور دومه لی قریه سی اهالیسی طرفندن تمیزاً تدقیق استدعا قلنان اعلام باش مدعی عمومیک مأموریت علیه سنک مطالعه نامه سی آلتدقدن صکره طرفینک اعتراض و جواب لایحه لرله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه کوره : مذکور سرای قریه سی قوم غیر محصور اهالی عمومیه سنک من القدی سرای یا یلاسی نامیه معروف معلوم الحدود مرعی و مزرع و بالطله لقرینه دومه لی قریه سی قوم غیر محصور اهالی عمومیه سی طرفندن وقوعبولان مداخله نک منعی حقنده کنگری بدایت محکمه سندن استحصال ایلدکلی اعلام غیابی علیه استماع اولنان ذی الید شاهدلرینک بیان ایلدکلی حدود ایله دعوی عرفانده کی ماینتک نظر دفته التماسندن واسباب سائرمدن بختله محکوم علیهم طرفندن اعتراض اولنسی اوزرینه و جاهاً اجرا اولنان محاکمه لرنده مدعی علیهم دومه لی قریه سی اهالیسی محل مدعی بهک مستقلاً کندی قریه لر اهالیسندن انتفاعنه مخصوص اولدینی بیان و انبا وایکی قطعه اعلام شرعی ایله چند قطعه فرامین عالی و اوراق سائر ابراز و اعطادن مدعیلر دخی محل منازع فیهک اسفندیار قاسم بک اوقافه عائد اولدینی بیان وایکی قطعه اعلام شرعی ابراز و اراؤه و مدعی علیهم دخی عبدالغفار چلبی اوقافه عائد اولدینی بیان و تذکار ایلرلی اوزرینه ذی الیدک بتکرار اثبات ایتدیرلدکن و دفتر خاقانی اداره سندن استعلام کیفیت اولندقدن و شخص ثالث صفیله داخل محاکمه استدعا سنده بولنان کسانک رد استدعا لرینه قرار ویرلدکن صکره مدعی عمومی و اراضی مأموری حضوریه اجرا قلنان محاکمه و تدقیقات نتیجه سنده محل مدعی بهک مدعی سرای قریه سی

اهالیسنه مخصوص اولدینی محلده استماع قلنان شهود معدله نك شهاداتی و دفتر خاقانی اداره سندن مورد تذکره جوابیه مؤداسی ايله تحقق ایتسنه مبنی مدعی علیهم دومه لی قریه سی اهالیسنك فضولی واقع اولان مداخله لرینك منعه دأر ویریلان اعلامك تصدیقی متضمن استینافاً لاحق اولان اعلامك نندالتمیز كذلک تصدیق حقه صدر اولان اعلام علیه مزبور دومه لی قریه سی اهالیسی طرفندن اعطا قلنان تصحیح قرار عرخیالی اوزرینه جریان ایدن تدقیقات تمیزیه نتیجه سنده مستدعی تصحیح قریه اهالیسی مدعی به محلك كندیلرینه عائد اولدیغی تواتر شهودی اقامه سیله اثبات ایده جکلرینی عندالحا که بیان وادعا ایلدکلری جهته محکمه جه مرقومونك اشبوا دعالرینك رد ویا قبولنه دأر برکونه اسباب موجب بیان ایدلمکسزین قرار ویرلمسك مغایرت قانونیه سندن ناشی نقض و اعاده اولمسی اوزرینه محکمه مذکورجه تمیز قرارینه تبعاً اجرا قلنان محاکمه و تدقیقات نتیجه سنده اولسایده کی اعلام ابتدائیده محرر اولدینی اوزره مدعی علیهم دومه لی قریه سی اهالیسنك مدعی به محلك كندیلرینه عائد اولدیغی تواتر شهودی اقامه سیله اثبات ایده جکلری حقه درمیان ایلدکلری ادعای مدعی سرای قریه سی اهالیسنك محل منازع فیه تصرفلری معمول به قیود خاقانی به مستند اولدیغندن بالبحث خارج بینه سنك ترجیحیه ردایدلمش اولدینی بالتدقیق اکلالمسینه و تزویر و تصنیعندن سالم اولان قیود خاقانی به مستند بولمق اعتباریه ترجیح واقع موافق اصول و قانون بولمسنه مبنی اعلام ابتدائی مذکورك تصدیقه حکم و قرار ویرلدیکی اکلالمشدر .

مستدعیر دومه لی قریه سی اهالیسی طرفندن ویریلان لایحه ده : عندالحا که ابراز اولنان حجت شرعیه و نائق معتبره شرعیه دن اولمادیغی و استماع قلنان شاهدلرده مذکور حجت شرعیه نك مضمونه شهادت ایتیموب حال حاضره شهادته بولندقلرینه مبنی کرک حجت شرعیه و کرک شهود مستمعه بوبابده اقامه ایده جکلری تواتر بینه سنك استماعه مانع تشکیل ایده من ایکن محکمه استینافیه جه برمنوال محرر قرار ویرلمسی مغایر قانون اولدیغندن بحاله اعلامك نقضی و لایحه جوابیه ده دخی غیر وارد اولان اعتراضات مذکورده نك ردیه موافق اصول و قانون اولان اعلامك تصدیق طلب و استدعا اولمش و انف الیان مطالعه نامه مالی ایسه لایحه تمیزیه درمیان اولنان اعتراضاتنك مندرجات اعلامه نظراً وارد کوریه مدیکی بیاندن عبارت بولمشدر .

ایجابی لدی المذاکره اعلام مذکورك مآلندن منضم اولدینی اوزره مدعیر خارج اولدیغندن دولای مدعی علیهم طرفندن اقامه ایدیه جك تواتر بینه سنك ردیه قرار ویرلمش ایسه ده تواتر بینه سی دلائل سائریه مرجح اولدینی جهته هر هانکی طرفندن اقامه اولنور ایسه استماعی لازم کلدیکی حالد بوجه محرر قرار ویرلمسی مغایر قانون اولدیغندن اصول محاکمه حقوقیه قانوننك اکیوزاوتوز ایکسجی ماده سی موجبجه اعلام مذکورك تفضیل اکیوز قرق دردنچی ماده سی حکمنه توفیقاً کیفیتک بالرؤیه اعلامه ربطی ضمتنده محکمه مذکوریه اعاده سنه و مصارفک ایلروده حقسز چیه جق طرفه عائد اولمسنه ۲۰ مایس ۳۳۱ تاریخنده اکثریت آرا ايله قرار ویرلدی

محکمہ تمیز حقوقه دائره سنده صادر اولوب ۲۷ مایس ۱۳۳۱ تاریخنده قراره ربط اولنانه اعلام صورتیبر

« وصینك ، صغار علیهنده اقراری معتبر اولمادیغی جهته صغار علیهنه ابراز ایدیلوب وصی طرفندن تصدیق اولونان سندلرک زیرنده کی مهر و امضالر حقه تدقیقات اجرایی لازم کلمبر . »

در سعادته ایازمه قیوسنده کراسته تجارندن الیاس فهمی و مخدومی شرکت منفسخه سی اعضاسندن متوفی الیاس فهمی مخدومی وصی مختاری یعقوب حلمی افندی ايله علمدار زاده حاجی رجب حلمی افندی زوجیه سی وورثه صغاری محرم و شعبان و رمضان افندیلر و والدلری فاطمه خاتم بیننده متکون دعوایه دأر در سعادت استیناف حقوق محکمه سندن ۱۹ مارت ۱۳۳۱ تاریخخی واون بش عددیله ویریلوب مومی ايله یعقوب حلمی افندی طرفندن تمیزاً تدقیق استدعا قلنان اعلام باش مدعی عمومیک مأموریت علیه سنك مطالعه نامه سی آلدقدن صوکره طرفینك اعتراض و جواب لایحه لرله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظراً : متوفای مومی ايله حاجی رجب حلمی افندی ورثه سی وکیل حسین صبری افندی با عرخیال بدایت محکمه سنه مراجعتله موکلرینك مورثلری حاجی رجب حلمی افندی نك کراسته تجارندن الیاس فهمی و مخدومی افندیلر ذمتلرنده ایکی قطعه سند موجبجه الاجبی بولنان سکسان لیرانك شرکت مذکوریه اضافله مومی ايله یعقوب حلمی افندی مع فائض تحصیل و تأمین تحصیلی ضمتنده مدیونلرک اموال معلومه سنه موضوع حجزك تصدیق حقه اقامه دعوی ایتیمی اوزرینه مبرز سنداته کی امضا و مهری اقرار و اعتراف ایدن وصی مومی ايله یعقوب حلمی افندی محاکمه نك تعلیق قلنش اولدینی کونده کلامش اولمسنه مبنی اولای غیاباً و قوعبولان اعتراض اوزرینه و جاهاً جریان ایدن محاکمه و تدقیقات نتیجه سنده مبلغ مدعی بهك مع فائض تحصیلنه دأر صادر اولان اعلامك استینافاً تدقیق نتیجه سنده ویریلان اعلام غیابینك عندالاعتراض مدعی عمومی حضوریه اجرای تدقیقاتنه لدی الابتدار شرائط استینافیه جمله سندن اوله رق مستأنف یعقوب حلمی افندی طرفندن اعطا اولنان کفالت سندنه یالکز مستأنف علیهم ورثه صغارك مصارف استینافیه لرله متفرعاتی تأمین ایدیلوب ورثه کبار بوجهندن خارج برافلمش اولسندن ناشی دعوا ی استینافیه نك کبار ورثیه عائد قسمنك ردی و صغاره عائد قسمنك قبولی قرار کیر اولدقدن صوکره جریان ایدن محاکمه و تدقیقات استینافیه نتیجه سنده مبرز سندادن برنجیسنك تاریخ طلبدن اون و دیگرینك یکرمی کون صوکره تأدیله لی مشروط اولدینی متحقق ایکن بلاطلب اقامه دعوی اولدیغنه دأر مستأنف طرفندن بدایه سبق ایدن اعتراضك نظر دفته آلفامسی بولسز اولدیغندن اعلام ابتدائینك بوجهتنك اصلاحی تقرر ایدرک متوفی رجب افندی نك بری اون بش دیگری یکرمی کون وعده لی ایکی قطعه سندله الیاس افندی و مخدومی ذمتنده الاجبی اولان یوز لیرانك بالدفعات طلب ایدلمش اولدیغنه دأر مستأنف علیهم اقامه ایتدیکی

شهود استماع و تزكيه و تعديل اولنديني حاليه محاكمه نك تعلیق ايدليكي كون و قوعبولان دعوتہ معترض مومي اليه يعقوب حلمي افندي اجابت ايتديكي بيانيه اولبايده كي اعتراض عرضحالنك ردينه حكم و قرار و يرلدیكي اكلاشلمشدر .

مستدعي تمیز طرفندن ویریلان لایحه ده كفالت واقعه بحسب الوصایه اقامۀ دعوی ایلش اولان ذاتك مصارف محاكمه و سفریه و ضرر زیاننه متدائر و بودات ورثۀ کبارك، وکیل مصدق بولنش و شو صورتله ورثۀ کبارك حقوق قانونیه لری تحت تأمینۀ آلمش ایکن سندك نقصان عد ایدلمسی مغایر قانون اولمغله برابر محكمۀ استیافیه جه بینۀ شخصیه ایله اثباتی لزومنه دائر ویرلمش ارلان قرار سندات ممتازۀ تجاریه دن بولنان امره محرر سنداتده مندرج وعدیه متعلق اولوب بوكی مطالبك موقع رسمیدن اخبارنامه و پروتستو تبلیغیه مسموع اوله بیله چکی خصوصنك دخی نظر دقتۀ التماسی یولسز اولدیغندن و اسباب سائرۀ دن بختله اعلامك تقضی و لایحه جوابیه ده دخی اعتراضات مسروده نك غیر وارد بولنديني بیانیله ردی و موافق اصول و قانون اولان اعلام مذکورك تصدیق طلب و استدعا اولنش و مطالعۀ نامه مفادی ایسه اعتراضات مسروده نك وارد اولمادیني مرکزنده بولنشدر .

ایجاب کیفیت مذاکره اولندقدۀ : وصینك صفار علیهنده کی اقراری معتبر اولمادیني جهتله محكمه جه مذکور سندلر زیرینه موضوع مهر و امضالر حقنۀ اصولی دائره سنده تحقیقات اجرا ایدیلرک تبیین ایده چک حاله کوره قرار ویرلمك لازم کلور ایکن بدایت محكمه سنجه بو جهتك نظر دقتۀ لنماسندن طولای اعلام مستأنف بهك اصلاح ایدلمسی اقتضا ایدر ایکن استیناف محكمه سنجه دخی بوجهت تأمل ایدلمکسزین برمنوال محرر قرار ویرلمسی مغایر قانون اولدیغندن اصول محاكمه حقوقیه قانوننك ایکی یوز قرق برنجی ماده سی موجبۀ اعلام مذکورك صفاره متعلق فقرۀ حکمیۀ سنك تقضیه قانون مزبورك ایکی یوز قرق دردنچی ماده سی حکمنۀ توفیقاً بالرؤیه اعلامه ربطی ضمیمۀ محكمۀ مذکوریه اعاده سنه و کبارۀ عائد اولان حکمك موافق اصول و قانون بولنسنه بناءً قانون مذکورك ایکی یوز قرق ایکنجی ماده سنك فقرۀ اخیرۀ سی منطوقجه تصدیقنه و مصارف تمیزیه نك ایلروده حقسز چیقۀ جق طرفۀ عائد اولسنه ۲۷ مایس ۱۳۳۱ تاریخندۀ متفقاً قرار ویرلدی .

محکمۀ تمیز استدعا دائرۀ اولوب

محکمۀ تمیز استدعا دائرۀ سنده صادر اولوب ۳۰ لایحه اول ۳۳۰ تاریخندۀ قراره ربط اولنامه اعلام صورتبدر :

« بینات ثبوتك نۀ دن عبارت اولدینی کوسترلکسزین حکم ابتدائی نك اسباب موجبۀ قانونیه استنادندن بختله ویریلن تصدیق قراری مخالف قانوندر »

مرسین سنجائی بدایت محكمه سی جزا دائره سندن استینافاً تنظیم و اعطا قلنان ۲۹ حیران ۳۳۰ تاریخی

اعلامك تمیزینی مستدعی طرسوس تحصیل مأمور سابق احمد افندی طرفندن ویریلان استدعایه و اوراق متفرعۀ سی باش مدعی عمومیلک مأموریت علیهنسندن با تبلیغنامه محكمۀ تمیز استدعا دائره سنه تودیع اولنش ولدی التدقیق مذکور استدعایه نك مدت قانونیه سی طرفندۀ اعطا و شرائط لازمۀ سائرۀ سنك دخی ایفا قلنديني اكلاشلمش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورك خلاصۀ مالی اموال امیریه دن اون ایکی بیك ایکی یوز اوتوز یدی بحق غروشی تحصیلدار عبدالرحمن افندینك ذمتنه کچمنه مساعده ایدلیکی درجۀ ثبوتده کوریلان مستدعی احمد افندینك قانون جزانك طقسانچی ماده سی حکمنۀ توفیقاً اوچ ماه مدتله حبسنه دائر بدایۀ لاحق اولان حکمك استینافاً اجرا قلنان محاکات و تدقیقاتی نتیجۀ سنده اصول و قانوننه موافق و اسباب فسخیدن عاری ایدو کندن بختله تصدیقنه قرار ویرلدیکنی متضمندر .

لایحه تمیزیه ده تحصیلدار عبدالله افندینك ذمتنه اموال امیریه نك کچمنه مساعده ایدلیکی ثابت اولمقسزین محکومیتی جهتنه کیدلمسی مغایر قانون ایدو کندن بختله اعلام استینافینك تقضی استدعا اولنش و تبلیغنامه ده دخی حکم ابتدائی به قارشو عندالاستیناف درمیان اولنان اسباب استیافیه نظر دقتۀ الهرق بیان رأی و مطالعۀ اولنامش و فعلك ثبوتنه متعلق بیناتك نۀ دن عبارت اولدینی کوسترلکسزین حکم ابتدائینك اسباب موجبۀ قانونیه مستند اولدیغندن بختله تصدیقنه قرار ویرلمش اولسی مخالف قانون و لایحه تمیزیه مؤداسی شو صورتله وارد و بجا کورلمش اولمغله اعلام مذکورك تقضی طلب اولنشدر .

ایجاب کیفیت لدی المذاکره مندرجاتی بالاده مرقم تبلیغنامه ده درمیان ایدیان اسباب مندرجات اعلامه نظراً وارد و مستلزم نقض احوال دن اولدیغندن اصول محاکات جزائیۀ قانوننك اوچیوز اون دردنچی و اوچیوز اون طقوزنجی ماده لری منطوقجه اعلام میز بهك اسباب مذکوریه مبنی تقضیه احکام قانونیه دائره سنده ایفای معاملۀ اولنق اوزره اوراق متعلقۀ سنك محكمۀ مذکوریه اعاده سنه و ایکی یوز غروش اعلام خرجنك تعرفه و تعلیلات مخصوصه سنه توفیقاً ایلروده حقسز چیقۀ جق طرفدن اخذینۀ ۳۰ کانون اول ۳۳۰ تاریخندۀ متفقاً قرار ویرلدی .

محکمۀ تمیز استدعا دائرۀ سنده صادر اولوب ۳۱ لایحه اول ۳۳۰ تاریخندۀ قراره ربط اولنامه اعلام صورتبدر :

« در دست رؤیت اولان مسأله مستأخره نتیجۀ سنه قدر جزا دعواسنك تأخیر رؤیتی لازمدر »

منتشا سنجائی بدایت محكمه سی جزا دائره سندن استینافاً صادر اولان ۲۸ تشرین اول ۳۳۰ تاریخ و یوز قرق درت نومرولی اعلامك تمیزینی مستدعی اورمان اداره سی طرفندن ویریلان استدعایه و اوراق

شهود استماع و تزكیه و تعدیل اولدینگی حالدہ محاكمه نك تعلیق ایدلیدی کون وقوعبولان دعوتہ معترض مومی الیه یعقوب حلمی افندی اجابت ایتدیکی بیانیله اولباده کی اعتراض عرضحالک ردینسه حکم و قرار ویرلیدی اکلالمشدر .

مستدعی تمیز طرفندن ویریلان لایحه ده کفالت واقعه بحسب الوصایه اقامه دعوی ایش اولان ذاتک مصارف محاکمه و سفریه و ضرر زیاننه متدائر و بوزات ورثه کبارکد، وکیل مصدق بولنش و شو صورتله ورثه کبارک حقوق قانونیه لری تحت تأمینہ آلمش ایکن سندک نقصان عد ایدلسی مغایر قانون اولغله برابر محکمه استیافیه جه بینه شخصیه الیه اثباتی لزومنه دائر ویرلمش ارلان قرار سندات ممتازہ تجاریه دن بولنان امره محرر سنداتده مندرج وعديه متعلق اولوب بوکی مطالبک موقع رسمیدن اخبارنامه و پروتستو تبلیغله مسموع اوله بیلله چکی خصوصنک دخی نظردقته التامسی یولسز اولدیغندن واسباب سائرده دن بخلله اعلامک تقضی و لایحه جوابیه ده دخی اعتراضات مسروده نك غیر وارد بولدینگی بیانیله ردی و موافق اصول و قانون اولان اعلام مذکورک تصدیق طلب و استدعا اولنش و مطالعه نامه مفادی ایسه اعتراضات مسروده نك وارد اولمادینگی مرکزنده بولنشدر .

ایجاب کیفیت مذاکره اولندوقده : وصینک صغار علیهنده کی اقراری معتبر اولمادینگی جهتله محکمه جه مذکور سندلر زیرینه موضوع مهر و امضالر حقنده اصولی دائره سنده تحقیقات اجرا ایدیلرک تبیین ایده چک حاله کوره قرار ویرلمک لازم کلور ایکن بدایت محکمه سنجه بو جهتک نظر دقته لنماسندن طولایی اعلام مستأنف بهک اصلاح ایدلسی اقتضا ایدر ایکن استیناف محکمه سنجه دخی بوجهت تأمل ایدلمکسزین برمنوال محرر قرار ویرلمسی مغایر قانون اولدیغندن اصول محاکمه حقوقیه قانوننک ایکی یوز قرق برنجی ماده سی موجبجه اعلام مذکورک صغاره متعلق فقره حکمیه سنک تقضیله قانون مزبورک ایکی یوز قرق دردنچی ماده سی حکمنه توفیقاً بالرؤیه اعلامه ربطی ضمتنده محکمه مذکورده اعاده سنه و کباره عائد اولان حکمک موافق اصول و قانون بولمنسه بناءً قانون مذکورک ایکی یوز قرق ایکنجی ماده سنک فقره اخیره سی منطوقجه تصدیقته و مصارف تمیزیه نك ایلروده حقسز چیقہ جق طرفه عائد اولسنه ۲۷ مایس ۱۳۳۱ تاریخنده متفقاً قرار ویرلیدی .

محکمہ تمیز استماع دائره سندن

محکمہ تمیز استماع دائره سندن صادر اولوب ۳۰ ثانویہ اول ۳۳۰ تاریخنده قراره ربط اولنامه اعلام صورته:

« بنات ثبوتک نه دن عبارت اولدینی کوسترلمکسزین حکم ابتدائی نك اسباب موجب قانونیه استنادندن بخلله ویریلن تصدیق قراری مخالف قانوندر »

مرسین سنجاغی بدایت محکمه سی جزا دائره سندن استینافاً تنظیم واعطا قلنان ۲۹ حیران ۳۳۰ تاریخلی

اعلامک تمیزینی مستدعی طرسوس تحصیل مأمور سابق احمد افندی طرفندن ویریلان استدعنامه واوراق متفرعه سی باش مدعی عمومیلک مأموریت علیه سندن با تبلیغنامه محکمه تمیز استدعا دائره سنه تودیع اولنش ولدی التدقیق مذکور استدعنامه نك مدت قانونیه سی طرفنده اعطا وشرائط لازمه سائرهنک دخی ایفا قلندینگی اکلالمش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی اموال امیریه دن اون ایکی بیک ایکی یوز اوتوز یدی یچق غروشی تحصیلدار عبدالرحمن افدینک ذمتنه کچمنسه مساعده ایدلیدی درجه ثبوتده کوریلان مستدعی احمد افدینک قانون جزانک طقسانچی ماده سی حکمنه توفیقاً اوچ ماه مدته حبسنه دائر بدایه لاجق اولان حکمک استینافاً اجرا قلنان محاکات و تدقیقاتی نتیجه سنده اصول و قانوننه موافق واسباب فسحیه دن عاری ایدوکنندن بخلله تصدیقته قرار ویرلیدی متضمندر .

لایحه تمیزیه ده تحصیلدار عبدالله افدینک ذمتنه اموال امیریه نك کچمنسه مساعده ایدلیدی ثابت اولمقسزین محکومیتی جهتنه کیدلسی مغایر قانون ایدوکنندن بخلله اعلام استینافینک تقضی استدعا اولنش و تبلیغنامه ده دخی حکم ابتدائی به قارشو عندالاستیناف درمیان اولنان اسباب استیافیه نظر دقته الهرق بیان رأی ومطالع اولنماش و فعلک ثبوتنه متعلق بیناتک نه دن عبارت اولدینگی کوسترلمکسزین حکم ابتدائینک اسباب موجب قانونیه مستند اولدیغندن بخلله تصدیقته قرار ویرلمش اولسی مخالف قانون و لایحه تمیزیه مؤداسی شو صورته وارد و بجا کورلمش اولغله اعلام مذکورک تقضی طلب اولنشدر .

ایجاب کیفیت لدی المذاکره مندرجاتی بالاده مرقم تبلیغنامه ده درمیان ایدیان اسباب مندرجات اعلامه نظراً وارد و مستلزم نقض احوال دن اولدیغندن اصول محاکات جزائی قانوننک اوچیوز اون دردنچی و اوچیوز اون طقوزنجی ماده لری منطوقجه اعلام میز بهک اسباب مذکورده مبنی تقضیله احکام قانونیه دائره سنده ایفای معامله اولنق اوزره اوراق متعلقه سنک محکمه مذکورده اعاده سنه و ایکی یوز غروش اعلام خرجنک تعرفه و تعلیمات مخصوصه سنه توفیقاً ایلروده حقسز چیقہ جق طرفدن اخذینه ۳۰ کانون اول ۳۳۰ تاریخنده متفقاً قرار ویرلیدی .

محکمہ تمیز استماع دائره سندن صادر اولوب ۳۱ ثانویہ اول ۳۳۰ تاریخنده قراره ربط اولنامه اعلام صورته:

« در دست رؤیت اولان مسأله مستأخره نتیجه سنه قدر جزا دعواسنک تأخیر رؤیتی لازمدر »

منتشا سنجاغی بدایت محکمه سی جزا دائره سندن استینافاً صادر اولان ۲۸ تشرین اول ۳۳۰ تاریخ و یوز قرق درت نومرولی اعلامک تمیزینی مستدعی اورمان اداره سی طرفندن ویریلان استدعنامه واوراق

متفرعه سی باش مدعی عمومیک مأموریت علیه سندن باتلیغنامه محکمه تمیز استدعا دائره سنه تودیع اولمش ولدی التدقیق مذکور استدعایه مدت قانونیه سی ظرفده ویرلدیکی اکلاشلمش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی میری اورمانندن بلا رخصت اشجار قطع ایلدیکی ادعا اولسان ارنادود جعفر افندیکن عدم مسئولیتیه دائر بدایه لاحق اولان حکمک عندالاستیناف فسخیله سبق ایدن محاکمه وتدقیقات نتیجه سنده مومی الیه جعفر افندیکن اجرا ایلدیکی قطعیاتک مبرز طاپو سندی حدودی داخلنده اولدینی اکلاشلدیغندن قبیعیات مذکوره نک رخصتلی عدلیه عدم مسئولیتیه قرار ویرلدیکی متضمندر .

تمیز استدعایه سنده تصرف ادعاسندن متحدث اولوب حقوق محکمه سنده دردست رؤیت بولنان مسئله مستأخره نک نتیجه سنه قدر جزا دعواسنک تأخیر رؤیتی لازم ایکن بو جهندن بالذهل بر منوال محرر قرار ویرلمسی مغایر قانون ایدوکنندن بخله اعلام استینافینک نقضی استدعا اولمش وتبلیغنامه ده دخی قطعیات اجرا ایدیلن محک تحت تصرفده بولندیغنی درمیان ایتسی اوزرینه حاصل اولان مسئله مستأخره نک حلی ضمننده حقوق محکمه سنه مراجعت ایلدیکی درجه اولی محکمه سنده بیان ایدلمش ایکن نتیجه سنه دکن تأخیر دعوی ایدلمدیکنندن بخله استیناف محکمه سنده بسط وتمهید ایدیلان اعتراضات عندالحاکمه موقع بحث و مذاکره قونیه رق اجوبه ردیه سی کوسترلهمش اولسی اعتباریه تمیز استدعایه سی مندرجاتی وارد کورلمش اولدیغندن اعلام مذکورک نقضی طلب اولمشدر .

ایجاب کیفیت لدی المذاکره مندرجاتی بالاده مرقم تبلیغنامه ده درمیان ایدیلن سبب مندرجات اعلامه نظراً وارد و مستلزم نقض احوالندن اولدیغندن اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری منظوقنجه اعلام میزبهک سبب مذکوره مبنی تفضیله احکام قانونیه دائره سنده ایفای معامله اولنق اوزره اوراق متعلقه سنک محکمه مذکوره عاده سنه وایکی یوز غروش اعلام خرجنک تعرفه وتعلیمات مخصوصه سنه توفیقاً ایلروده حقسز چیقه حق طرفدن اخذینه ۳۱ کانون اول ۳۳۰ تاریخنده متفقاً قرار ویرلدی .

محکم تمیز استدعا دائره سنده صادر اولوب ۱۰ شباط سنه ۱۳۳۰ تاریخنده قراره ربط اولرلوانه اعلام صورته:

« حقوق عمومیه مأموری طرفندن سرد ایدیلن اعتراضلرک ردینی مستلزم سبیل

بیان ایدلمکسزین غیر وارد اولدینی تعبیر بخلیه رد ایدلمسی مخالف قانوندر . »

منشأ سنجانی بدایت محکمه سی جزا دائره سنده استینافاً تنظیم واعطا قلنان ۱۵ اغستوس ۱۳۳۰ تاریخ و یوز التی نومرولی اعلامک تمیزاً تدقیقی مستدعی نواء مذکور زراعت بانکه سی وکیلی بکر صدقی افندی

جانبندن معطی استدعایه ایله اوراق متفرعه سی باش مدعی عمومیک مأموریت علیه سندن باتلیغنامه محکمه تمیز استدعا دائره سنه تودیع اولمش ولدی التدقیق مذکور استدعایه مدت قانونیه سی ظرفده ویرلدیکی اکلاشلمش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی : وظیفه مأموریتلرینی سوء استعمال ایدرک زراعت بانکه سی اموالندن ذمتریته پاره کچیردکلی ادعاسیله مظنون علیهم اولان میلاس زراعت بانکه سی مأمور اسبقی محمد رفعت ورفیق محمد توفیق وکیفیلری حاجی محمد زوجیه سی حوریه و حاجی حسن و برادری حاجی ابراهیم وعلی وقره محمد و حاجی محمد و اسماعیل ایله عبدالرحمنک میلاس ملکیه محکمه سنده اجرا قلنان محاکمه لری نتیجه سنده مومی الیه محمد رفعت و محمد توفیق افندیکن ناشی درت بیک درتیوزسکسان طقوزغروش بش پاره نک کفلاسی ایله مشترکاً و بیک بش یوز طقسان ایکی غروش اون پاره نک دخی مظنون علیه کاتب اسبق محمد افندی ایله کفلاسنندن منحصراً تحصیلنه ومدعابه مبالغدن بیک سکسز یوز طقسان سکسز غروش اون پاره نک تحصیلی حقنده کی طلبک ردینه دائر ویریلان حکمک عندالاستیناف موافق اصول وقانون اولدینی بیانیله تصدیقه قرار ویرلدیکی متضمندر .

لایحه تمیزیه ده اثنای محاکمه استینافیه ده درمیان ایدیلن مدافعه نک بلا سبب ردی جهته کیدلمسک مغایرت قانونیه سندن بخله اعلام استینافینک نقضی استدعا اولمش وتبلیغنامه ده دخی حکم ابتدائییه قارشو کرک مستأنف زراعت بانکه سی وکرک مدعی عمومی طرفندن موجب فسخ اولنق اوزره درمیان اولنان اسباب استینافیه نک هرر قسمی حقنده محکمه استینافیه بیان رأی ومطالعاه اولنق مقتضی ایکن بو لازمه دن بالذهل غیر وارد تعبیر عمومیسيله ردی یولنه کیدلمسی نقضی مستلزم ولایحه تمیزیه مندرجاتی وارد اولدینی بیانیله اعلام میزبهک نقضی طلب اولمشدر .

ایجاب کیفیت لدی المذاکره مقررات صادره نک علل واسباب موجهیه استنادی احکام قانونیه ایجابندن ایکن مظنون علیهم محمد رفعت افندی ایله رفقاسی حققرنده کی حکم ابتدائی علیهنده دعوی استیافه قیام ایدن زراعت بانکه سی وکیلی ایله عندالحاکمه مطالعه سنده مراجعت ایدیلن حقوق عمومیه مأموری جانبندن درمیان ایدیلوب محکمه جه شایان قبول کورلیان اعتراضاتک ردینی مستلزم اولان احوال وکیفیات بیان وارائه ایدلمکسزین غیر وارد ایدوکی تعبیر بخلیه رد ایدیلرک حکم ابتدائی مذکورک تصدیقه قرار ویرلمسی تبلیغنامه ده محرر اولدینی اوزره یولسز ومغایر اصول وقانون اولغله اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری موجبنجه اعلام میزبهک بوسیدن تفضیله احکام قانونیه دائره سنده ایفای معامله اولنق اوزره اوراق متعلقه سنک محکمه مذکوره عاده سنه وایکی یوز غروش اعلام خرجنک تعرفه وتعلیمات مخصوصه سی توفیقاً ایلروده حقسز چیقه حق طرفدن استیفا سنه ۱۰ شباط ۱۳۳۰ تاریخنده متفقاً قرار ویرلدی .

محکمه تمیز جزا دایره سی و نهم

محکمه تمیز جزا دایره سنده صادر اولده ٧ هزاره ٣٣١ تاریخ و ١٤٥٠ نومرولی اعلام صوریدر :

« فرار ایدن متهمك اولجه محكوم اولدیغی اون بش سنه كورك جزاسی عفو قانونه توفیقاً یدی بحق سنه یه تنزیل ایدلمش اولسنه نظراً فرارینه عائد جزانك مذکور یدی بحق سنه اساس اتخاذ ایدیلهرك بوكا ضمیمه تعینی لازمدر . »

کنفری سنجانی بدایت محکمه ی جزا دایره سندن صادر اولان ٢٦ مارت ٣٣١ تاریخ و سکر نومرولی اعلام ایله اوراق متفرعه سی باش مدعی عمومیک مأموریت علیه سنه ١٥ رجب ٣٣٣ و ١٦ مایس ٣٣١ تاریخ و ١٠١٥ نومرولو تبلیغنامه ایله محکمه تمیز جزا دایره سنه اعطا قلمشدر .

اعلام مذکورك خلاصه مندرجاتی حسینك مخدومی اسماعیلک کیفیت قتاندنطولای محکوماً محبوس بولندیغی حبسخانه دن فرار ایدرك بالاخره دردست اولنان حاجی قدری اوغلی داودك اجرا قلنان محاکمه سی نتیجه سنده تونل آچق صورتیله حبسخانه دن فرار ایتدیکی ثابت اولمغه مجرمیت و حرکتنه توافق ایدن قانون جزانك یدیغی ماده سنه توفیقاً محکوم بولندیغی اون بش سنه كورك جزاسنك ثلثی اولان بش سنه نك ضمیمه ترید مجازاته ٢٦ مارت ٣٣١ تاریخند حکم اولدیغندن عبارتدر .

تبلیغنامه ده دخی مرقومك حبسخانه دن فراری دیگر چركس محبوسینك تضییق واکراهی اوزرینه وقوع بولدیغی حقنده كرك کنديسك افاده سی وكرکسه استماع اولنان شهودك صورت بیاناتی موقع تذکره وضع اولنه رق تونل قازمق واسباب فراری احضار ایتك خصوصنده بر کونامعاوتی سبق ایتامش اولسنه و محبوسینك اثنای فرار لرنده برلکده قاجسی حقنده جبر واکراهلرینك درجه سنه نظراً مرقومك حرکت واقعه سنده تخفیف جزای موجب احوالك وجودی نقطه سنه اماله نكاه تدقیق اولنمق اقتضا ایتدیکی حالد محکمه مذکوره جه نروم مرقوره رعایت ایدلماسی مستلزم نقض احوال دن بولنمش اولدیغندن بحثله اعلام میز بهك نقضی طلب اولنمشدر . اوراق دعوانك مطالعه سندنصکره تدقیقات تمیزیه اجرا اولندقدده تبلیغنامه ده درمیان اولنان اعتراض مندرجات اعلامه نظراً غیر وارد ايسه ده مرقومك اولجه محکوم اولدیغی اون بش سنه كورك جزاسی عفو قانونه توفیقاً یدی بحق سنه یه تنزیل ایدلمش اولسنه نظراً فرارندن طولای تعین ایدیلهرك جزا ایچون اشبو یدی بحق سنه اساس اتخاذ ایدیلهرك بوكا نسبتاً ضم جزا اولنمق لازم کلورکن ذهول اولنسی مخالف قانون اولدیغندن اصول محاکمات جزائی قانوننك اوچوز اون دردیغی ماده سنه توفیقاً اعلام مذکورك نقضه واحکام قانونیه دایره سنده ایقای معامله اولنمق اوزره اوراقنك محله اعاده سنه وایکیوز غروش اعلام خرجنك ایلروده حقسز چیه حق طرفدن تحصيله ٢٧ مایس ٣٣١ تاریخند متفقاً قرار ویرلدی .

محکمه تمیز جزا دایره سنده صادر اولده ٨ هزاره ٣٣١ تاریخ و ١٥٠١ نومرولی اعلام صوریدر :

« جبراً قیز قاجیرمق جرمنده متهم اولان شخص فرعاً ذی مدخل اولق اوزره تجرم ایدلمش اولدیغندن یالکر جبراً قیز قاجیرمق فعلنه مترتب اولان جزای اصلی به نسبتله قانون جزانك قرق بشنجی و درجه سی اعتباریله ده قرقنجی ماده لری احکامنه توفیقاً تنزیلاً تعین جزا لازمدر . »

سیواس ولایتی استیناف محکمه سی جزا دایره سندن تنظیم واعطا قلنان ٣١ مارت ٣٣١ تاریخ و اوچوز طقسان اوچ نومرولی اعلام ایله اوراق متفرعه سی باش مدعی عمومیک مأموریت علیه سندن ٢٣ رجب ٣٣٣ و ٢٤ مایس ٣٣١ تاریخ و ویک اون اوچ نومرولی تبلیغنامه ایله ٢٦ مایس ٣٣١ تاریخند محکمه تمیز جزا دایره سنه تودیع ایدلمکله مطالعه قلندی .

اعلام مذکورك خلاصه مألایلدیایلینك دهر اولوق قریه سندن یوسف کریمه سی لباسك جبراً قاجیریلوب بکرینك ازاله اولنسنندن دولای جنایتله اتهام اولنان قریه مذکورلی بابا اوغل اوتوز یاشنده محی الدین ویکر اوغلی طاشنان بن صالح و طاهر اوغلی عاکف چاوشك اجرا قلنان محاکمه لری نتیجه سنده متهمون مرقوموندن محی الدینك اون بش یاشی اکل ایتامش اولان مزبوره لباسی جبراً قاجیروب فعل شنیع اجرا سیله بکرینی ازاله ایدلیکی و طاشنانك دخی مزبوره نك قاجیرلسنده فرعاً ذیمدخل اولدیغی ثابت اولدیغندن اولوجهله مجرمیتلرینه و مرقوماندن محی الدینك قانون جزانك ایکوز التجی ماده سنه توفیقاً و اوچوز اوتوز ایک سنی جادی الاولیسنك التجی کونندن اعتباراً اون سنه مدته کورکه قولسنه و طاشنانك قرق بشنجی و حین ایقاع جرمدن اون بش یاشی اکل ایتدیکی جهته قرقنجی ماده لرینه تطبیقاً و تاریخ مذکوردن ابتداءً ایکی بحق سنه مدته حبسنه و بش سنه ده ضبطیه نظارتی التده بولندیرلسنه و عاکف چاوشك برائته ١٢ شباط ٣٣٠ تاریخند حکم اولدیغندن عبارتدر .

تبلیغنامه ده دخی ذات و وصف فعله حائر تأثیر اولان سن جهتنك تحقیق و نتیجه تحقیقاتک اثنای محاکمه قرائت و مندرجاتی اوزرینه تدقیقات واستجوابات اجراسی قانوناً مقتضی اولدیغی حالد مزبوره لباسك حین ایقاع جرمدن اون اوچ یاشی و طاشنانك اون سکزیی اکل ایلوب ایتدکری حقنده تحقیقات ایفا قلندیغنه دایر ضبطنامه ده برصراحت تصادف ایدیلهرمه سی مخالف قانون اولدیغندن بحثله اعلام نقضی طلب ایدلمشدر . حکم جنائیدن دولای تدقیقات تمیزیه اجرا اولندقدده تحقیقات استنطاقیه اثناسنده كرك قیزك وكرك مهملردن طاشنانك سنلری تحقیق ایدیلهرك مزبوره نك اوچوز اون التی و طاشنانك اوچوز اون درت تولدی اولدق لری آکلاشلش اولسنه نظراً تبلیغنامه محتویاتی غیر وارد و مرقوماندن محی الدین حقنده جریان ایدن محاکمه ایله لاحق اولان حکم اصول و قانونه موافق بولندیغندن مرقومه عائد حکم مذکورك تصدیقنه

وطاشانان حقنده کی حکمه کمنجه مرقوم مزبورده نك يالکز قاچرلسنده فرعاً ذی مدخل اولمق اوزره تجريم ايدلمش اولمغله يالکز جبراً قاچيرمق فعلنه مترتب اولان جزای اصلی به نسبتله قرق بشنجی و درجه سنی اعتباريله ده قرقنجی ماده لری احکامنه توفیقاً تنزیلات اجراسيله تعیین مجازاتی لازم کلیرکن مرقوم طاشانانک مزبورده لباسی جبراً قاچوروب فعل شنیع اجرا ایدن فاعل اصلی ایچون تعیین اولنان اون سنه کورک جزاسنک ربی درجه سنده ایکی بچق سنه حبس جراسی تعیینی مخالف قانون اولمغله مرقوم حقنده کی حکمک دخی اصول محاکمات جزائییه قانوننک اوچیز اون دردنجی ماده سنه توفیقاً نقضه واحکام قانونیه دائره سنده ایفای معامله اولنق اوزره اوزره اوراقنک محله اعاده سنه ویوزغوش تصدیق خرجنک محکومیتی تصدیق اولنان محی الدیندن وایکی یوز غروش نقض خرجنک دخی ایلروده حقسنر چیقہ جق طرفدن تحصیلنه ۲۷ مایس ۳۲۱ تاریخنده متفقاً قرار ویرلدی.

محکمہ تمیز جزا دائره سنده صادر اولان ۸ مزیرانه ۳۳۱ تاریخ ۱۵۰۳ نومرولی اعلام صورتیر:

« سرقت مهمنک تنزیل جزاسی خصوصنده استناد اولنان ایکی یوز اوتوزنجی ماده قانونیه، جنجه درجه سنده اولان سرقت فاعلری حقنده اولوب جنایت نوعندن بولنان سرقت فاعلرینه شامل دکدر. »

مرعش سنجانی بدایت محکمه سی جزا دائره سنندن صادر اولان ۲۵ مارت سنه ۳۳۱ تاریخ والی نومرولی اعلام ایله اوراق متفرعه سی باش مدعی عمومیلک مأموریت علیه سنندن ۲۵ رجب سنه ۳۳۳ و ۲۶ مایس سنه ۳۳۱ تاریخلی ویک الی بر نومرولی تبلیغنامه ایله ۱ حزیران سنه ۳۳۱ تاریخنده محکمه تمیز جزا دائره سنه اعطا قلمشدر.

اعلام مذکورک خلاصه مندرجاتی اوچیز اوتوز سنه سی اواخرنده البستانک قزله اوبه محله سنندن حاجی طوردی زاده مصطفی وطوردی اقدیلرک لیلاً خانه لرندن خالیرینی سرقت ایلدیکی ادعا قلمسندنطولانی جنایتله اتهام اولنان کافر کتدی قریه سنندن حاجی علینک اوغلی محمدک اجرا قلنان محاکمه سی نتیجه سنده متهم مرقومک مدعیلرک خانه نك پنجره سنی توسیع ایتمک صورتیه درون خانه به بالدخول خالیرینی سرقت واولبابده حکم لاحق اولمازدن اول مذکور خالیرلی اعاده ایلدیکی ثابت اولدیغندن اولوجهله مجرمیتته وحرکتته توافق ایدن قانون جزانک ایکیز اوتوزنجی وایکیز بکرمنجی ماده لرینه توفیقاً تعیین اولنان اوچ سنه کورک جزاسنک نلشک ۲۴ مارت سنه ۳۳۱ تاریخنده حکم اولندیغندن عبارتدر تبلیغنامه ده دخی صورت جریان محاکمه سیه جهت تنزیله تطبیقه سی حقنده برکونه اعتراضه محل کوریه مدیکندن بخله اعلام مذکورک تصدیق طلب اولمشدر. اوراق دعوانک مطالعه سنندن صکره تدقیقات تمیزیه اجرا اولندقدہ تبلیغنامه ده هرقدر اعلام مذکورک تصدیق طلب اولنیور ایسه ده متهم مرقوم حاجی علینک تنزیل جزاسی خصوصنده استناد اولنان ایکی یوز

اوتوزنجی ماده قانونیه متفنده ومصرح اولدیغی اوزره جنجه درجه سننده بولنان سرقت فاعلری حقنده اولوب جنایت نوعندن اولان سرقت فاعلرینه غیر شامل اولسنه نظراً تمديد جزا قرارنده اصابت قانونیه کوریه مدیکندن واشبو سببه بناءً اصول محاکمات جزائییه قانوننک اوچیز اون دردنجی ماده سنه توفیقاً حکم مذکورک نقضه واحکام قانونیه دائره سنده ایفای معامله اولنق اوزره اوراقنک محله اعاده سنه وایکیز غروش اعلام خرجنک ایلروده حقسنر چیقہ جق طرفدن تحصیلنه ۲ حزیران سنه ۳۳۱ تاریخنده متفقاً قرار ویرلدی.

محکمہ تمیز جزا دائره سنده صادر اولان ۹ مزیرانه ۳۳۱ تاریخ ۱۵۲۱ نومرولی اعلام صورتیر:

« قاچیریلان قیزحقنده بعدالحکم نکاح وقوع بولور، قیز دخی یکریمی یاشنی اکیال ایلش اولورایسه کندیسنک واکال ایله مه دیکی حالدہ ولیسنک دعوان فراغتیله تنفیذ جزانک تأخیری، ومرور زمان حدینه قدر طلاقوقوعی حالنده ده حکمک انفاذی معاملات اجرائیه به متفرع وبناءً علیه مدعی عمومیلکه عائددر. »

بروسه نك وردانه قریه سنندن حاجی سلیمان کریمه سی عائشه نك جبراً قاچیریلوب بکرینک ازاله ایدلمسی ماده سنندن جنایتله متهم اولوب بعدالتقض جریان ایدن محاکمه سی نتیجه سنده اون بش یاشنی اکیال ایتش اولان مزبورده یی جبراً قاچیرمق فعلندن جنجه درجه سننده حبس جزاسیله محکوم اولان قریه مذکورلی امین اوغلی سعیدک مزبورده ایله عقدلرنک اجرا قلندیغندن بخله فراغت دعوائی ومرقومک تخلیه سی طلبنی حاوی مزبورده نك والده سی ذلیخا طرفندن اعطا قلنان استدعایمه نك مزبورده نك والده سی طرفندن ویرلمش اولدیغیله نکاحک ثبوتی حالنده حقوق عمومیه دعواسنک تأجیانه قرار ویرلمسی طلبیه استیناف مدعی عمومیلکندن محکمه به تودیع قلمسی اوزرینه مرقومک محاکمه سی اکیال اولنه رق حکمی اعطا وقراری تفهیم ایدلمش اولمغله محکمه به اولبابده تدقیقات ایفاسنه اصول محاکمه وقانون غیرمساعد ومندرجات استدعا اجرایه متعلق وفراغت دعوی وثبوت نکاحک اجرایه تعلق ایدن قسمنک تدقیقی مدعی عمومیلکه عائد بولمسنه بناءً شکل قانونی خارجنده اتخاذ قراره محل اولدیغنه دائر خداوندکار ولایتی استیناف محکمه سی جزا دائره سنندن ۲۰ مایس سنه ۳۳۱ تاریخنده اتخاذ اولنان قرارک تمیزاً تدقیقی حقنده مذکور مدعی عمومیلکدن مدت قانونیه سی ظرفنده ویریلان استدعایمه ولایحه تمیزیه ایله متفرعاتی باش مدعی عمومیلک مأموریت علیه سنندن ۷ شعبان سنه ۳۳۳ و ۷ حزیران سنه ۳۳۱ تاریخلی ویک یوز قرق یدی نومرولی تبلیغنامه ایله ۷ حزیران سنه ۳۳۱ تاریخنده محکمه تمیز جزا دائره سنه اعطا قلمش ومذکور استدعایمه نك مدت قانونیه سی ظرفنده ویرلدیکی بالتدقیق اکلاشلش اولمغله مطالعه اولندی.

ذکر اوانان لایحه تمیزیده محکمه جه نفی صلاحیت خصوصنده اتخاذ ایدیلن قرار مبهم اولوق اعتباریه اسباب موجب قانونیه دن عاری و بر ماده قانونیه غیر مستند اولوب تنفیذ جزانک تأخیر و تأجیلی اساس دعوائی رؤیت ایدن و یا خود اساس دعوائیه حکم ویرن محکمه یه عائدتی طبیعی و بویله بر دعوانک مدعی عمومیلکجه تدقیقی و حقوق عمومیه نامنه اقامه ایلش اولدینی دعواندن فراغتی و یا خود استحصال ایلش اولدینی بر حکمک تأجیل و تأخیری صلاحیتک وجودینه قواعد اساسیه حقوقیه غیر مساعد و اثنای محاکمه ده حقوق عمومیه نک تأجیلی و یا خود قضیه محکمه یی حائر بر حکمک نتیجه طبیعی سی اولان تنفیذ جزانک تأجیلی لزومی استندا اولدینی تقدیرده اساس دعوائی رؤیت و حکم ایدن محکمه محاکمه یی کشاد و مغدوره ایله محکوم بولنان شخصک بالمواجهه اساس دعوا ده مضبوط اولان هویتلرینک تدقیق و عقد نکاحی ناطق اولان اعلام شرعی به برکونا اعتراض واقع اولدینی و طرفین دخی اعلام شرعینک مندرجاتی بالتصدیق یکدیگرینه طالب اولدقلری کیفیت اصولاً ضبطه درج و تنقیق اولندقدنصرکه اولباده کی ماده قانونیه نک فقره مخصوصه سی موجب نتیجه تنفیذ جزانک تأجیلی لزومه قرار اعطاسی قانوناً مقتضی بولندینی حالده محکمه جه بونکات مهمه قانونیه نظر دقه التفسیرین بر منوال محرر اتخاذ قرار اولنسی مخالف قانون اولدیغندن بختله قرار مذکورک نقضی استندا قلمشدر .

سالف الذکر تبلیغنامه ده دخی صرف حکمک اجرانسه تفرع ایدن شوخصوصک عن محاکمه حل لازم کله چکی یولنده سرد ایدیلان مطالعات غیر وارد و محکمه نک مارالذکر قراری اسباب موجب قانونیه به مستند بولندیغندن بختله مذکور تمیز استدعاسنک ردی طلب اولنشددر .

اوراق سائره دعوانک دخی مطالعه سندن صکره تدقیقات تمیزی به اجرا اولندقدن مزبورده نک محکوم علیه سعید ایله نکاحنک اجرا قلندینی حقنده والده سی طرفندن ویریلان استدعانا مه ایله دعوائی مذکورده دن فراغت اولنش و قانون جزانک ایکوز النجی ماده قائمه سی مندرجاتندن دخی مستبان اولدینی اوزره قاجیریلان قیز حقنده بعدالحکم نکاح و قوعبولوبده قیز دخی یکرمی یاشنی اکال ایلش ایسه کندوسنک و اکال ایلدیکی حالده و لیسنک دعواندن فراغتیه تنفیذ جزانک تأخیری و مرور زمان حدینه قدر طلاق و قوعی حالده ده حکم واقعک انفاذی خصوصی معاملات اجراییه به متفرع و اولباده کی استدعانا مه اوزرینه دوائر متعلقه سندن تحقیق کیفیتله ماده مذکور موجب نتیجه مقتضی معامله نک ایفاسی مدعی عمومیلره عائد بولنش اولغله ذکر اولنان تبلیغنامه ده دخی بیان اولدینی اوزره محکمه محلیه جه بر منوال محرر اتخاذ اولنان قرار قاتهن موافق ولایحه تمیزی به محتویاتی غیر وارد کورلدیکندن مذکور تمیز استدعاسنک ردینه ۸ حیزران ۳۳۱ تاریخنده اکثریتله قرار ویرلدی .

شورای دولت ملکیه و معارف دائره سنک ۱۹۵ نومرولی

مضبوطه سنک صورتیدر

مقام عالی مشیختک شورای دولته حواله بیوریلان ۱۴ کانون ثانی سنه ۳۳۰ تاریخی و سکسان بر عدلی تذکره سی ملکیه و معارف دائره سنکد قرائت اولندی . مآلنده نواب شرعک نیابت شرعی به عائد احوالندن طولانی محاکمه لری مقام مشیختک و محکمه نظامیه ریاسته عائد احوالندن طولانی محاکمه لری عدلیه نظارتک تسبیب و اشعاریه اجرا اولنه جتی اصول محاکمات جزاییه قانوننک دوت یوزنجی ماده سی ذیلنده محرر اولوب حکام شرع و مأمورین شرعیه حقنده کی ۱۳ نیسان سنه ۳۲۹ تاریخی قانون موقتک اوتوزنجی ماده سنکده قاضیلر حقنده وظیفه شرعیه لرندن طولانی اجرایی لازم ککن تحقیقاتک مقام مشیختجه اجرا ایتدیریه چکی و تحت محاکمه یه آلمسنه لزوم کوریلورسه با اراده سنیه محاکمه سنیه مأذونیت ویریه چکی و اوتوز ایکنجی ماده سنکده وظیفه عدلیه سندن طولانی عدلیه نظارتجه تحت محاکمه یه آلمسنه مأذونیت ویریلن قاضیلره مقام مشیختجه ده ایشدن ال چکدیریه چکی مندرج بولنمقده و مأمورین محاکماتی حقنده مؤخرأ نشر اولنان ۲۴ شباط سنه ۳۲۹ تاریخی قانون موقت احکام عمومیه سنه نظرأ هیچ بر مأمورک با اراده سنیه منصوب اولسه بیله محاکمه سی ایچون اراده سنیه استحصالی لزومه دائر بر صراحت کوریه مامکده اولدیغندن وجهت عدلیه ده حکام حقنده مأمورین محاکماتنه متدائر اولان سالف الذکر ۲۴ شباط سنه ۳۲۹ تاریخی قانون احکامی تطبیق ایدلامکده و بناء علیه وظیفه عدلیه لری اعتباریه حکام شرع شریفکده تحت محاکمه یه التملرینه عدلیه نظارتجه مأذونیت ویرلمکده اولوب حکام مومی الیهک خصوصات عدلیه دن طولانی محاکمه لری ایچون اراده سنیه استحصاله حاجت قالمقسزین عدلیه نظارتجه مأذونیت ویریه بیلدیکنه کوره وظیفه شرعیه لرندن طولانی تحت محاکمه یه آلملری حقنده دخی مرجع اصلیلری بولنان مقام مشیختجه طوغریدن طوغری به مأذونیت اعطاسی مسئولیت وکلا اساسنده ده موافق کورلدیکی کی اداره عمومیه ولایات قانونی حکام شرع شریفی مأمورین سائره دولت مثلاًو ساحة شموله ادخال ایلکده اولسنه نظرأ حکام مومی الیهک وظیفه شرعیه لرندن طولانی تحت محاکمه یه التملرینه اراده سنیه استحصالی جهته کیدلمکسزین مقام مشیختندن مأذونیت اعطا ایدیه بیللمسی مأمورین دولتک محاکماتی حقنده کی قانون مذکورک احکامیه ده متناظر اوله جتی ملاحظه فلنمقده ایسه ده سالف الذکر حکام شرع قانوننک اوتوزنجی ماده سنکده کی صراحت مخصوصه احکام مذکورده قانونیه ایله قابل تألیف کوریه مامسی موجب تردد اولمقده بولندیغندن بختله کیفیتک شورای دولته به تدقیق و تذکری لزومی کوسترلمشدر .

مدعوا حاضر بولنان مقام مشیخت علیا مستشاری حاجی اولیا افندی دن ایضاحات لازمه آلدقدن صکره

اینجانی تأمل اولندی . ۲۴ شباط سنه ۳۲۹ تاریخی مأمورین محاکاتی قانون موقتک یکرمنجی ماده سنده
 « مأمورین محاکاتی حقننده کی نظامات و اوامر سابقه مفسوخدر » دیه محرر اولدیغنه نظر آ ۱۳ نیسان سنه
 ۳۲۹ تاریخی حکام شرع و مأمورین شرعیه قانونک « قاضیلر حقننده وظیفه شرعیه لرندن طولانی اجراسی
 لازم کلان تحقیقات مقام مشیخته اجرا ایتدیریلور و بر قاضیه عائد اولان اوراق تحقیقیه انجمن انتخابجه
 تدقیق ولدی الاقتضا مجلس تدقیقات شرعیه دن دخی مطالعه سی استفسار ایدیلرک تحت محاکمیه آلمسنه لزوم
 کوریلور ایسه کیفیت با مضبطه مقام مشارالیه عرض اولور وبا اراده سنیه محاکمیه مآذونیت ویریلور »
 صورتنده محرر اولان اوتوزنجی و « قاضیلرک جرائم شخصییه ویا وظیفه عدلیه لرندن طولانی محاکمهری
 محاکم ابتدائییه واستینافیه رؤسای حقننده موضوع اولان قاعده موجبجه مافوق محکمه نظامیه نده رؤیت
 اولور فقط وظیفه عدلیه سندن طولانی عدلیه نظارتجه تحت محاکمیه آلمسنه مآذونیت ویریلن قاضیلرک
 نه سببه مبنی تحت محاکمیه آلدقلمری نظارت مشارالیهان مقام مشیخته اشعار اولنه جنی کبی محاکمهری
 نتیجه سی دخی آریجه تبلیغ ایدیلور وجهت عدلیه جه تحت محاکمیه آلمان قاضیلر مقام مشیخته دخی
 ایشدن ال چکدیریلور » دیه محرر بولنان اوتوز ایکنجی ماده لرینک و اصول محاکات جزائییه قانونک
 درت یوزنجی ماده سی ذیلنک الیوم مزوجاً مرعی الحکم بولندیجی جای اشتباه دکدر . ده اول موقع
 انتشاره وضع اولنان ۱۳ مارت سنه ۳۲۹ تاریخی اداره عمومیه ولایات قانون موقتک اون دردنجی ماده سنه
 کلنجه : « والیر سوء احوال و معاملاتنه واقف اولدقلمری نواب و حکام حقننده درحال تحقیقات اجراسی
 عدلیه مدیر ویا مفتشیه ویا خود استیناف مدعی عمومیلرینه تحریراً تبلیغ ایدرلر و بوتبلیغات اوزرینه تحقیقات
 لازمه یه مسارعت اولنه حق و نتیجه سی مقام مشیخته و عدلیه نظارتنه اشعار اولنقله برابر فذلک تحقیقاتک
 بر صورتی والیه تودیع ایدیلرکدر » صورتنده محرر بولنان اشبو ماده قانونیه نک تاریخ نشری حکام
 شرع و مأمورین شرعیه قانونک تاریخ مرعیتدن مقدم و مفادی آرهنده ظاهراً مابینت مشهود ایسه ده
 حقیقته بویکی ماده یکدیگرینک متممی اولوب آنحق فضله اوله رق تحقیقات اجراسی کیفیتی مقام عالی
 مشیخته رأساً دخی امر اولنه بیلرکینی متضمن بولنقده اولدیغندن هر ایکی ماده بوجهله قابل تألیف
 اولدیجی کبی بولردن اون دردنجی ماده منطوقجه ایفا اولنه حق تحقیقاتک وظائف مختلفه ایله وظیفه دار
 اولان قضاتک هانکی نوع وظیفه سنه متعلق احواله راجع اوله جنی ماده ده غیر مصرح اولسنه و مأمورین
 عدلیه نک وسائط تحقیقیه دن اوله رق ذکر محکمه نظامیه متعلق وظائفدن متولد احواله مقصور اوله جنی
 ملاحظه سی داعی بولنسنه رغماً نتیجه تحقیقاتک مقام مشیخته و عدلیه نظارتنه اشعار اولنه جنی متضمن
 اولان فقره اخیرهن سندن مأمورین عدلیه یه اجرا ایتدیریلرک تحقیقاتک محکمه شرعیه و نظامیه یه عائد وظائفدن
 هر ایکسنه شامل اولدیجی مستفاد اولقده در . بناء علیه قضاتک وظائف عدلیه لرندن و محکمه شرعیه یه متعلق اولان
 وظائفدن ماعدا وظیفه لری سبیلر حقلرنده اجراسی مقتضی تحقیقاتک اداره عمومیه ولایات و حکام شرع قانونک

مواد مبسوطه سنه توفیقاً ایفاسی لازم کلیوب کرک تحقیقات کرک مرجع محاکمهری تمامیه مأمورین محاکات
 قانون موقته توفیقاً ایفا و تعیین اولنق اقتضا ایدر . چونکه قانون مذکورک نشرندن اول دخی قضاة حقننده
 بو خصوصده اجرا اولنان تحقیقات مأمورین سائر مثلاً تماماً ملغی مأمورین محاکمهی نظامیه سنه تبعاً ایفا
 و محاکمهری ده مجالس اداره ده اجرا اولنه کلش و قانون جدیدک وضع ایتدیجی احکام دخی محاکمهری مجلس
 اداره ده رؤیت ایدیلرک کلمکده بولنان هر صنف مأمورینک بر طرز دیکرده اصول تحقیقاته تابع اولنق شرطیه
 بعدما محاکم عدلیه ده اجرای محاکمهرینه متدائر بولنشددر . وظائف عدلیه لرله محکمه شرعیه یه متعلق
 وظیفه لرندن طولانی حقلرنده اجراسی مقتضی تحقیقاته کلنجه : بونک اصول محاکات جزائییه قانونک درت
 یوزنجی ماده سی ذیلی و اداره عمومیه ولایات قانونک اون دردنجی ماده سیله حکام شرع و مأمورین شرعیه
 قانونک اوتوز و اوتوز ایکنجی ماده لرینه توفیقی طبیعی ایسه ده تحت محاکمیه الملرینه مآذونیت لاحق اولدقندن
 صکره تعقیبی لازم کلن معامله یکدیگرندن فرقلیدر . شویله که وظائف عدلیه لرندن طولانی تحت محاکمیه
 الملرینه مآذونیت ویریلان قضاة حقننده درجاتی سالف الذکر اوتوز ایکنجی ماده قانونیه ده مندرج محاکم
 نظامیه ده طوغریدن طوغری یه تعقیبات قانونیه ایفاسنه توسل اولنق لازم کلیر ایسه ده محکمه شرعیه وظائفجه
 تحت محاکمیه الملرینه مآذونیت ویرلدکن صکره اوراق تحقیقیه نک مأمورین محاکاتی قانون موقتده درجاتی
 معین مجالس اداره یه تودیعیه بالتدقیق حقلرنده ویریلرک لزوم ویا منع محاکمه قرارینه تطبیق معامله اولنسی
 و لزوم محاکمه لرینه قرار ویرلمشسه قانون مذکورده درجاتی تصریح قلمش اولان محاکم عدلیه یه برای محاکمه
 سوق ایدلمری اقتضا ایدر خلاصه بو نوع وظیفه لرندن طولانی اجرای محاکمهری اول امرده اداره عمومیه
 و حکام شرع قانونری موجبجه تحت محاکمیه الملرینه مقام مشیختدن مآذونیت اعطاسنه و بعده مأمورین
 محاکاتی قانون دائره سنده مجالس اداره جه لزوم محاکمه لرینه قرار اصدارینه متوقف بولنقده در . زیرامأمورین
 محاکاتی قانونک نشرندن محاکمهری مجالس اداره ده اجرا قلمقده اولان هر صنف مأمورینک فی الحال
 محاکم عدلیه ده محاکمهری اجرا قلنه بیلیمک ایچون حقلرنده قانون جدیده توفیقاً مجالس اداره جه ویرلمش
 لزوم محاکمه قراری بولنقده مأمورین عدلیه تعقیبات قانونیه اجراسندن عن صراحة منع اولنشددر . آنحق قانون
 جدید اراده سنیه ایله منصوب بولنان مأمورینک تحت محاکمیه اخذنده اراده سنیه استحصال شرطی وضع
 ایتامکده اولدیغنه کوره اولجه محاکمهری اراده سنیه استحصالنه متوقف بولنان مأمورینک فی الحال بویله
 شرطه تابع اولمقسنزین محکمه یه سوقلری لازم کلدیکنندن حکام شرع قانونک اوتوزنجی ماده سنده کی اراده
 سنیه استحصالی قیدی دخی ملغی مأمورین محاکمهی نظامیه سیله برابر ضمناً انفساخ ایتش اولوب آرتق
 قضاتک تحت محاکمیه الملری ایچون مقام مشیخته مآذونیت اعطاسی اراده سنیه استحصالنه توقف ایتز ،
 قالدی که ملغی مأمورین محاکمهی نظامیه سنک صراحة دائره احاطه سنه آلمدیجی ده برطاقم جرائم مأمورین
 محاکاتی قانون موقتک دائره شمولنه داخل اولوب بوده مأمورینک وظیفه مأموریتلرندن منبعث اولیه رق
 فقط وظیفه مأموریتلرینک ایفاسی صره سنده حادث اولان جرملریدر قضاة طرفندن ایقاع ایدیلرک بونوع
 جرملر حقننده تعقیبات اجراسنه مأمورین سائر حقننده جاری اولدیجی اوزره اولجه بلاقید و شرط مأمورین
 عدلیه صلاحیتدار ایکن قانون جدیدبو صلاحیتی قیید ایتش اولسنه بناء بونوع جرملری وظیفه عدلیه لرینک

ایفاسی صرہ سندہ حادث اولمش ایسہ اصول محاکمات جزائیہ قانوننک باب رابعندہ کی فصل ثالث قسم ثانیسندہ مندرج مواد احکامہ نوبقاً کماکان تحت محاکمہ الملریہ مآذونیت اعطاسنہ حاجب اولمقصرین یعنی جرائم شخصیه لرندن عدلیہ درجائی حکام شرع قانوننک اوتوز ایکنجی مادہ سندہ معین محاکم نظامیہ ده محاکمہ لری رؤیت اولنق ایجاب ایدرسده جرائم مبحوئہ وظیفہ عدلیہ لرینک غیری ہر ہانکی نوع وظیفہ لرینک ایفاسی صرہ سندہ حادث اولورسہ اولسون حق لرنده مأمورین سائرہ مثللو معاملہ اولنمسی یعنی ادارہ عمومیہ ولایات وحکام شرع قانونلری تطبیق وتحت محاکمہ الملریہ مآذونیت استحصال اولنمقصرین بوخصوصده دخی اجرایی مقتضی تحقیقاتک ومرجع محاکمہ لرینک تمامیلہ مأمورین محاکماتی قانون موقتی احکامہ توفیق ایدلمسی مقتضای حالندہر زیرایالکزر قضاہ حقندہ بونوع جرائمک تحقیقات ومحاکمہ سنی مأمورین محاکماتی حقندہ کی قانوننک نشرندن اول جاری اولان اصولہ تطبیق ایتک اولجہ محاکمہ لری مجالس ادارہ دن رؤیت اولنان صنوف مأمورین حقندہ بشقہ بشقہ معاملہ ایفاسی دیمک اولوب هیچ بر قانونندن بویلہ بر حکم ومعنا استخراجی طوغری اولہ میہ جنی کی بوخصوصده مأمورین محاکماتی قانونیلہ ادارہ عمومیہ ولایات وحکام شرع قانونلری احکامک ممزوجاً تطبیق جہتندہ کیدلمک جائز اولیوب چونکہ وظیفہ مأموریت لرنندن منبعث جرملرندن طولانی تحت محاکمہ الملریہ مقام مشیخت جلیلہ جہ مآذونیت ویرلمدیکی تقدیرده حرکت واقعہ دن متضرر اولان اشخاص ایچون اشتکاء عن الحکام طریق کشادہ ایسده وظیفہ مأموریت لرینک ایفاسی صرہ سندہ حادث اولان جرملرندن دولایی تحت محاکمہ الملریہ مشیخت مشارالہانک مآذونیتہ متوقف اولدینی حالہ شخص متضرر ایچون بوحق استعمالہ مساغ اولمدیغندن کرک تحقیقات کرک مرجع محاکمہ سنک بلاقید وشرط منحصرأ مأمورین محاکماتی قانوننہ تبعیتی لازم کلیر۔ الحاصل مأمورین سائرہ حقندہ کی مجبوریت وجہلہ قضاتک کرک وظیفہ شرعیہ کرک وظیفہ ملکیہ لری اثناسندہ اشخاصہ قارشى ایقاع ایلدکلری جرائم حقندہ دخی ہر حالہ تحقیقات ابتدائیہ اجراییلہ اوراقنک مطلقاً مجالس ادارہ یہ تودییی واوراجہ لزوم ویامنع محاکمہ کی متضمن برقرارہ ربطی اقتضا ایدر۔ کیفیتک تفسیر قانونہ تعلق جہتیلہ برکرده هیئت عمومیہ ده تدقیق تذکر قلندی۔ ۶ جمادی الاخر ۳۳۳ ۸ نیسان ۳۳۱

هیئت عمومیہ دن یازیلان ذیلک صورتیدر

ملکیہ ومعارف دائرہ سنک اشبو مضبطہ سی هیئت عمومیہ ده قرائت اولندی۔
دائرہ مشارالہاجہ اتخاذ اولنان قرار مصیب کورلمش اولغلہ اول وجہلہ ایفای مقتضاسنک مقام عالی مشیختہ تبلیغی وداخلیہ وعدلیہ نظارت لرنده ده معلومات اعطاسی تذکر قلندی۔

۱۹ رجب ۳۳۳ ۱۱ مایس ۳۳۱

مذرجات

۵ تموز - ۱۳۳۱

قسم رسمی

صحیفہ
نومروسی

۶۸۵۰

۶۸۵۱

۶۸۵۲

— (۱) ۱۸ حزیران ۱۳۳۱

» (۲) ۲۰

» (۳) ۲۳

— (۱) عسکرہ آلتان مأمورینک ترفیعدن محروم
ایدلمہ ملریہ دائرہ ۱۸ حزیران ۳۳۱ ۶۸۵۳

(۲) مالیہ مفتشلرینک محاکمہ باش کاتب لری نردندہ
اجرا ایتہ کلری نفتیش لایجہ لرینک رؤسایہ
تودییی - حقندہ ۲۱ حزیران ۳۳۱ ۶۸۵۴

(۳) اورمان دعوالرندن قیدیہ وخرج آلتامسی
حقندہ ۲۳ حزیران ۳۳۱ ۶۸۵۴

نومبرہات عدلیہ

»

»

تبلیغات عمومیہ

»

»

- محکمہ تمیز حقوق دارہ سی مقرانی — (۱) عمل منازع فیهک مدعیلرہ عائدیتی تضمن
ایتمین فرمانک ثبوت دعویہ مدار اولامایہ
جقنہ دائر ۲۳ کانون ثانی ۲۲۶ ۶۸۵۵
- محکمہ تمیز استعداد ارہ سی مقرانی — (۱) ذم وقدر دعویہ حقنہ ۱۱ مایس ۲۳۱ ۶۸۵۹
- محکمہ تمیز جزا دارہ سی مقرانی — (۱) طلیک حضور محکمہ جلی حقنہ ۱۷ حزیران ۳۳۱ ۶۸۶۳
- (۲) قتل مشترک فاعل اصیلک عدم تعیننہ عائد
اسبابک مجرمیت قرارندہ سردی حقنہ ۱۷ ۶۸۶۴
- (۳) شہود افاداتی اراستندہ کی مبیانتک مواجہہ
حلی حقنہ ۱۸ ۶۸۶۵
- (۴) نہ دیہ جکی متہمدن سؤال اولندیقنہ دائر
ضبطنامہ قید و صراحت بولنسی حقنہ ۲۰ ۶۸۶۶
- (۵) اسباب ردیہ نک علی الافراد ذکر حقنہ ۲۰ ۶۸۶۷
- (۶) مواد جنائیہ دہ حکم غیابی محکوم عاپہک
در دستبلہ کائن لم یکن اولدیغندن عفو قانونک
شمولی اولامایہ جفی حقنہ ۲۰ ۶۸۶۸
- (۷) سرقت مشترک دہ شریکزدن برینہ حسب
السن جزای اصلینک ثلثانی حکم ابدلیکی
حالہ شریک دیگرہ تشدیداً جزا تعینی
اسبابک ایضاح ابدلسی حقنہ ۲۰ ۶۸۶۹